

Rau Tau Paulus Iboode Pa Yes Epesus Efesus—Ephesians

¹ Yau Paulus. Maaron ighur ghau namin mbanjoona to Yesu Krisi itaghon tauu loolo. Nabood rau tane ilat pa yam tamtamon patabuyaana to Maaron tau aleep izi nugh Epesus, ve aghur ila to Yesu Krisi, ve apaak ila tooni. *

² Poia to Tamaan Maaron ve Tiina toit Yesu Krisi izaa tsiam, ve tinjin gham aleep poia toman lolomim luuma. Onoon.

Krisi imin eez pa poia to Maaron izaa toit

³ Iit tapait Maaron tau Tiina toit Yesu Krisi Taama. Pa iit tau tapaak Krisi ve taleep ila tooni na, Maaron igham poghani ghiit, ve igham gabua popoia naol to nugh sambam pait, leso ipalot anunuun.

⁴ Aghita. Iit tau tapaak Krisi ve taleep ila tooni na, muun kat, saawe tau Maaron ighur sambam ve taan soone, i isiigh ghiit ighe igham ghiit tamin i le. Leso tamin tamtamon tooni patabuyaana, ve leen sosor eta ila i maata mako. *

⁵ Tauvene muun kat, Maaron loolo igheen toit, ve maata ingal ighe igham ghiit tamin i natja ila uraat to Yesu Krisi. Ene i itaghon tauu loolo ve poia tooni. *

* **1:1:** Mbanj 18:19, 19:1, 20:17+ * **1:4:** Ro 8:28+; Kol 1:22; 2Tes 2:13; 2Tim 1:9 * **1:5:** Yo 1:12; Ga 4:5

⁶ Maaron ighe tamtamon tipaiti pa poia tooni. Tauta igham poghani ghiit sorok itaghon tauu loolo ve ngar tooni, ve ighur poia tooni tiina kat iza toonit it tau tapaak Naatu Yesu Krisi ve taleep ila tooni. Naatu tana, Taama Maaron loolo igheen tooni kat. *

⁷ Poia to Maaron, ene tiina le tiina kat. Iit tamtamon tau tapaak Krisi ve taleep ila tooni na, sinj tooni ipas ghiit tavot pa saghati tapiri, ve ireu sosor toit isov ilale. *

⁸ Tauvene Maaron ighur poia tooni tiina kat iza toonit. Ve i ipaghazonjai ghiit pa ngar popoia naol, leso taghazonjani.

⁹⁻¹⁰ Ngar yongaaŋa tooni tau igheen ila tauu loolo, tauta Maaron ipaghazonjai ghiit pani wa. Ngar tawe inarui Yesu Krisi. Pasaa, Maaron ighe igham pooz pa gabua naol isov ila ila le ighe saawe duduunj tau i tauu ighuru na ivot, mako ilup gabua naol isov tau tileep izi sambam ve taan na timin eemon, ve ighur zi tileep ila Krisi saamba, ve Krisi imin daaba pazi. *

¹¹ Saawe isov, Maaron igham gabua naol isov tivotvot itaghon tauu loolo ve ngar tooni. Iit tamtamon tau tapaak Krisi ve taleep ila tooni na, muunj kat, Maaron isiigh ghiit itaghon tauu loolo ighe igham ghiit tamin le. Tauta aazne tagham gabua popoia naol ila tooni. *

¹² Ve i ighe yei Yuda tau nighur ila to Krisi imin maata na, nipaghazonjai tamtamon pa tapiri ve poia tooni, leso tipait eeza.

* **1:6:** Mt 3:17 * **1:7:** Ro 3:24; Kol 1:14; Hib 9:12; 1Pe 1:18+

* **1:9-10:** Ro 16:25+; Ep 3:9+; Kol 1:16, 26 * **1:11:** Ro 8:28+; 2Tim

1:9

¹³ Ve yam paam. Saawe tau aloon saveen onoon to vaaru poia ve aghur ila, yamņa Krisi avalupu gham amin eemon. Pasaa, saveen tawe ipaghazonjai gham pa eez tau Maaron igham mulin gham ila uraat to Krisi. Ve Krisi ndaamo payam, tauta Maaron igham Avuvu Patabuyaaj payam itaghon saveen mbuaaj tooni. Avuvu tawe, ene imin ilaal payam ighe yam tamtamon tooni. *

¹⁴ Maaron Avuvu tau taghamu ne, ene imin pu-ughu pa gabua naol isov tau murei i pale igham pait. Leso taghur ila taghe ezaan pa ghamuun gabua tawe, ve tasaan saawe to i igham mulin ghiit, ve igham ghiit tala taleep tomania izi nugh sambam. Tauvene iit tapait Maaron eeza pa tapiri ve poia tooni. *

Sunjuun to Paulus

¹⁵ Yau naloon varumim tighe yam aghur ila kat to Tiina toit Yesu, ve lolomim pa tamtamon patabuyaaja tisov to Maaron ve aghamgham poghani zi. *

¹⁶⁻¹⁷ Saawe tana ve ilam, yau napul sunjuun payam mako. Saawe isov, matag ingalngal gham ila sunjuun tsiau. Tiina toit Yesu Krisi Taama Maaron, eeza tiina pa tapiri ve poia tooni. Yau napapaiti toman lolog poia kat pa uraat tau i ighamghamu ila sosomim. Ve nanoknok ghasoniin ni nage tauu Avuvu igham gham aghilaal ngar popoia, ve ipaghazonjai gham pa Maaron ngar tooni, lesa awatagh katin Maaron. *

* **1:13:** Yo 14:16+; Ga 3:14; Ep 4:30; Syg 7:3 * **1:14:** Ro 8:23; 2Kor 1:22 * **1:15:** 1Tes 1:2+ * **1:16-17:** Kol 1:9; 2Pe 1:3

18 Ve naghe Maaron igham ghazooṅa tooni isul ila lolomim, lesu aghilaal gabua popoia maata maata tau i ighe igham pa tamtamon tooni na. Ene gabua tau aazne yam aghurghur matamim pani na. I ipoi gham amin le, lesu agham gabua tawe. Onoon kat, iit tamtamon to Maaron ezaan pa ghamuun gabua katini tau paghunazi kat. Tauta naghe yam awatagh katin zi. *

19 Ve naghason Maaron naghe igham gham aghilaal katin tapiri tau iuluul iit tamtamon tau taghur ila tooni. Tapiri tawe, ene tiina le tiina kat. Ighe tagham ṅgar pani, aat tarao mako. *

Aazne, Krisi ileep izi saamba ve iṅgin gabua naol isov

20 Maaron tapiri tau aazne iuluul ghiit ne, ene raraate imin tapiri tau ipaburigin Krisi pa maateegh, ve ighamu izala sambam gha mboole izi ila Taama Maaron niima tapir. *

21 Tauvene aazne, Krisi ileep ta saanṅa we, ve ighamgham pooz pa gabua naol isov. Yes pooza ve daaba tau tiṅginṅgin gabua, tomania gabua arianṅazi to sambam ve taan tau lezi tapirizi tiina na, gabua naol isov tau lezi ezazi, ene Krisi eeza ve tapiri iliiv zi kat, ve tisev tileep ila i saamba. Ta aazne, ve saawe murei paam. *

22-23 Pasaa, Maaron ighur gabua naol isov tileep ila Krisi saamba wa. Tauta i imin daaba pazi ve ighamgham pooz pazi. Ve pooz tooni, ene to iuul yes tau tileep ila lupuun tooni. Lupuun tana, ene

* **1:18:** Mbanj 26:18; 2Kor 4:6 * **1:19:** Ep 3:16; Kol 1:29 * **1:20:** 2Kor 13:4; Kol 3:1; Hib 1:3+ * **1:21:** Mt 28:18; Kol 1:16+; Pil 2:9+

imin Krisi tauu anoonja. Ve i ileep ila lolozu ve ipavon zi pa tapiri ve poia tooni, imin i ipavon gabua naol isov, ve igham pooz pazi. *

2

Maaron igham lepoogh paaghu pait

¹ Muun, lepoogh tsiam, ene imin yes mateegha. Pasaa, lemim njar eta pa Maaron mako, ve irau agham njar poia eta mako. Saawe isov, yam amalaan pa tutuun tooni, ve agham njar sasaghati naol. *

² Saawe tana, laghoon tsiam, yam ataghon njar to taan, ve alonloon Sadan aliina. I daaba to yes avuvu sasaghati tau tilepleep izi sambam saamba, ve ipapazaagh yes tau tizoor Maaron aliina. *

³ Ve yam mon mako. Yei paam. Pasaa, muun iit tasov rarateen. Saawe isov, tataghon njar sasaghati naol tau loloon munjaana ipapazaagh ghiit pani. Pasaa, iit tamtamon to taan gabuaan tauvene. Tipoop ghiit toman njar saghati. Tauta muun, aatyavyav to Maaron ighen toit raraate imin tamtamon tisov to taan. *

⁴⁻⁵ Saawe tana, iit taleep imin yes mateegha. Leen njar pa Maaron mako, ve irau tagham njar poia eta mako. Saawe isov, tamamalaan pa Maaron tutuun tooni. Eemon Maaron, i poia puughu, ve loolo isaghatin ghiit. Ve loolo ighen toit kat ve ighe igham poghani ghiit. Tauta igham mulin ghiit itaghon tauu loolo ve poia tooni, ve

* **1:22-23:** Ro 12:5; 1Kor 12:27; Kol 2:10 * **2:1:** Kol 2:13 * **2:2:** Yo 8:44; Ep 6:12; Kol 3:6+ * **2:3:** Mbo 51:5; Ro 1:18+; Tit 3:3

ipaburigin ghiit tomania Krisi gha tagham lep-oogh paaghu ila tooni. *

⁶ Ve aazne, ene imin i igham iit tamtamon tau tapaak Krisi ve taleep ila tooni ne, gha itinja Krisi tazala nugh sambam ve taleep tomania ila niia to ghamuun pooz. *

⁷ Ila uraat to Yesu Krisi, Maaron igham poghani ghiit kat. Poia tau i itotoia pait, ene tiina le tiina kat. Pale taghuru iza to saa? Mako. Gabua eta irao mako. I igham tauvene, leso ipaghazonjai poia tooni ivot ighazonj ta aazne, ve saawe murei paam.

⁸ Tauvene yam tau aghur ila to Krisi na, Maaron igham mulin gham itaghon tauu loolo ve poia tooni. Gabua tana ivot itaghon ngar poia eta tau yam aghamu ne mako. Ene Maaron igham payam sorok. *

⁹ Tauvene i igham poghani gham itaghon ngar poia eta tau yam aghamu ne mako. I igham payam sorok. Leso tamtamon eta ipait tauu sov.

¹⁰ Iit tamtamon tau tapaak Krisi ve taleep ila tooni ne, tamin gabua tau paghunazi kat. Maaron tauu ighur ghiit, ve igham ghiit tamin paaghu, leso tagham uraat popoia tau i tauu ighur zi pait pataghaan na. *

Krisi ilup yes Yuda ve yes tau Yuda mako na timin eemon

¹¹ Yam tau Yuda mako na, matamim ingal. Muun, yes Yuda tipapakur tauzi tighe yes, o tirav warozi. Ve tivevelegh gham tighe yam tirav

* **2:4-5:** Yo 3:16; Kol 2:12+; Tit 3:4+ * **2:6:** Kol 3:1+ * **2:8:** Ro 3:24-28; Ga 2:16 * **2:10:** 2Kor 5:17; Ep 4:24; Tit 2:14

waromim mako. Eemon uraat to ravuun tamtamon warozi, ene gabua to uliin mon tau tamtamon tigham pa nimazi. Ene igham gabua eta pa loloon mako.

¹² Saawe tana, yam aleep soghan pa Krisi, ve irau yamja Maaron tamtamon tooni Israela avalupu gham mako. Muun, Maaron yesja yes Israela timbu saveen to tivalupu zi timin eemon, ve i imbu saveen popoia naol pazi. Eemon yam lemim ezamim pa saveen mbuaan tawe mako. Pasaa, yam sij ite. Ve lepoghamim izi taan, ene aghilaal gabua popoia tau Maaron ighe igham pait ne mako. Pasaa, saawe tana, yam awataghi mako. *

¹³ Eemon aazne, yam amin Krisi le ve apaak ila tooni. Tauvene yam zeran tau muun aleep soghan pa Maaron na, Krisi sij tooni imin eez payam gha alam agharau Maaron wa. *

¹⁴ Tauvene Krisi tauu ta imin puughu pa luuma to Maaron ilam pait, ve igham ghiit itija Maaron tavalupu ghiit tamin eemon. Aghita. Muun, koi isap yes Yuda ve yes tau Yuda mako na sosozi imin didiin tiina, le irau tivalupu zi mako. Eemon saawe tau Krisi ibaad yavyavuun gha imaat, i ireu didiin tiina tawe izi, ve ilup zi timin eemon. **

¹⁵⁻¹⁶ Muun, tutuun ve saveen ngalsekiin naol tau Mose isavia na, igham Yuda ve yes tau Yuda

* **2:12:** Ro 9:4 * **2:13:** Ro 5:2; Kol 1:20; Hib 12:23 * **2:14:** Tutuun naol to Mose isaav tauvene: Yes Israela aat tileep soghan pa yes tau Yuda mako na (Ughita Igham 23:24, 32-33, 34:12-16). Ve muun, didiin tiina ee ilivut Rumei Tiina. Didiin tawe, tighur paesiin katini igheen ila. Isaav tauvene: "Ighe tamtamon eta tau Yuda mako na, imalaan pa didiin tane ve ilon ila, i aat imaat."

* **2:14:** Ro 5:1; Ga 3:28; Kol 1:20+

mako na tivaghuru koi pa tauzi ve tileep soghan soghan. Eemon saawe tau Krisi ibaad yavyavuun gha imaat izala ai pambaroon, i ipasov tutuun tomania ngalsekiin naol tawe. Tauta igham ngar luuma ivot, ve ilup yes tau tileep ila tooni na timin eemon. Pasaa, saawe tau i imaat izala ai pambaroon, i irav motin koi tau isap itiņa Maaron sosoon na, ve ilup ghiit tomania Maaron tamin eemon. Tauta ipasov koi tau muun isap Yuda ve yes tau Yuda mako na sosozi paam, ve ilup zi timin lupuun eemon. *

¹⁷ Ve i ilam ivotia saveen luuma pait igha: “Aleep toman lolomim luuma. Pa koi isap yamņa Maaron sosomim muul mako.” Saveen tane ilat pa yam tamtamon tau muun aleep soghan pa Maaron na, ve inarui yei Yuda tau nileep nigharau ne paam. *

¹⁸ Pasaa, Krisi ta imin eez pa Avuvu eemon ilup ghiit tasov, ve Avuvu tana iuluul ghiit to tala tagharau Tamaan Maaron, leso itiņa tasavsaav. Yam tau Yuda mako na, ve yei Yuda paam. *

¹⁹ Tauvene aazne, yam amin loomba, ma suumbu muul mako. Yam amin Maaron tamtamon tooni, ve yamņa tamtamon tooni patabuyaanja asov to nugh sambam. *

²⁰ Yam amin rumei to Maaron malimooņa siriv. Rumei tawe, Maaron irao iyooz izala yes mbanooņa to Krisi ve yes propet uraat toozi. Ve Yesu Krisi, i maet tau imin puughu pa rumei tana ve ipaloti.

* **2:15-16:** Kol 2:14 * **2:17:** Is 57:19; Lu 2:14; Mbanj 10:36

* **2:18:** Ro 5:2; Ep 3:12; Hib 10:19+; 1Pe 3:18 * **2:19:** Pil 3:20; Hib 12:22+

²¹ Ve ikisiir rumei malimoonja tISOV tIGheen tunja ila niazi, ve ighamgham uratoini, leso iza a imin tiina, ve imin Neer Tiina niia patabuyaanj to lep-oogh. *

²² Tauvene yam paam, yamja tamtamon tISOV tau tipaak KriSi ve tileep ila tooni na, KriSi ighamgham uratoi gham, ve iluplup gham. Leso amin Maaron Avuvu niia to lepooGH. *

3

Paulus le uraat to ivotia ngar yonjaanja to Maaron pa nugh nugh tau Yuda mako

¹ Puughu tane ta yau Paulus naghe naghur gham ila sunjuunj tsiau. Yau besoonja to Yesu KriSi, ve naghamgham uraat to nauul yam tamtamon tau Yuda mako na. Tauta tighur ghau naleep ila ruum to yavyavuunj loolo. *

² Yam aat aloonj varug wa. Maaron ighur uraat ila nimag to nauul gham, leso awatagh eez tau i itotoi poia tooni pait ve igham mulin ghiit. *

³ Eez tane, muunj iyoonj. Eemon Maaron ivotia payau gha naghazoonj pani wa. Ngara siriv ta yau nasavia ila rau tsiau wa.

⁴ Ighe awaat rau tane, ene pale aghilaal aghe uraat to KriSi ngara, ene yau naghazoonj pani. Ngar tana, muunj iyoonj. Ve aazne, Maaron ivotia ighazoonj wa.

⁵ Ta muunj ve ilam, Maaron ivotia ngar tana pa iit tamtamon mako. Eemon aazne, ila uraat to tauu Avuvu, i ivotia ngar tana pa yes mbanjoonja tooni

* **2:21:** Mt 16:18; 1Kor 3:11; 2Kor 6:16 * **2:22:** 1Pe 2:5 * **3:1:**
Ep 4:1; Pil 1:7; Kol 4:3 * **3:2:** Mbanj 9:15; Ga 2:7

patabuyaana ve yes propet siriv, le ivot ighazoon.
*

⁶ Ngar yongaana tana, ene vene: Yes tau Yuda mako na, vaaru poia imin eez pazi gha timin Krisi le ve tipaak ila tooni. Tauta aazne, yesna yes Yuda timin lupuu eemon, ve yesna ezazi pa ghamuu lepooch poia ila to Maaron itaghon saveen mbuaan tooni. *

⁷ Yau, Maaron igham poghani ghau itaghon tauu loolo ve poia tooni, ve tapiri igham uratoi ghau, tauta namin besoon tooni, ve leg uraat to navotia vaaru poia tane pa tamtamon. *

⁸ Onoon, yau poiag mako. Ngar saghati tau muun naghhamu na, ene igham ghau naleep murei geeg pa Maaron tamtamon tooni tisov. Eemon Maaron igham poghani ghau kat itaghon tauu loolo ve poia tooni, ve ighur uraat ila nimag to navotia Krisi vaaru pa nugh nugh tau Yuda mako na. Leso tiwatagh Krisi tapiri tomania ngar popoia maata maata tau igheen tooni, ve gabua popoia tau i ighe igham pait. Gabua tawe, ighe tagham ngar pani, ene aat ngar toit imbool. *

⁹ Maaron ighur gabua naol isov tivot. Muun ve ilam, i ivotia ngar tooni ighazoon mako. Igheen to tauu mon. Eemon aazne, i ivotia ighazoon wa. Ve ighe yau napaghazonai tamtamon tisov pani, lesu tiwatagh eez tau i igham ngar tooni yongaana tawe ighur anoona. *

¹⁰ Maaron igham tauvene, lesu yes anjela tomania gabua arianaazi siriv tau tileep izi sambam ve

* **3:5:** 2Pe 1:21 * **3:6:** Ga 3:14, 28+; Ep 2:14+ * **3:7:** Ro 1:5; Kol 1:23+ * **3:8:** 1Kor 15:9+; 1Tim 1:13+ * **3:9:** Ro 16:25+

tighamgham pooz na, matazi izilam pa iit tamta-mon tau taleep ila lupuun to Krisi ne, ve tighilaal ngar popoia maata maata tau igheen to Maaron. *

¹¹ Gabua naol tane itaghon Maaron tauu ngar tooni tau igheen muun geeg ve ilam, saawe tau sambam ve taan tivot soone. Ve aazne, Tiina toit Yesu Krisi igham anoonja ivot wa.

¹² Tauvene iit tau taghur ila to Krisi ve tapaak ila tooni ne, irau tala tagharau Maaron ve tasavsaav tomania. Taroi sov. Pa iit tawatagh: Gabua eta ipoon ghiit pani muul mako. *

¹³ Tauvene onoon, uraat tau yau naghham payam, tauta imin puughu payau gha aazne nabaad patañani. Eemon naghe napalot gham tauvene: Patañani tau nabaado ne, igham lolomim ipatañan ve itatan gham sov. Ayooz ariaañ, ve tintinmim. Pa uraat tsiau tane pale imin eez payam to aleep tomania Maaron ila mbonari loolo. *

Sunjuun to Paulus

¹⁴ Yau naghham ngar pa ngar popoia naol tau Tamaan Maaron igham pait na, tauta naput agheg pani [ve naghe naghur gham ila sunjuun tsiau.]

¹⁵ Maaron, i imin puughu pa gabua naol isov. Gabua to sambam ve gabua to taan paam. Ve i imin tamazi, ve yes tisov tigham ezazi ila tooni.

¹⁶ Maaron toit, i eeza tiina kat pasaa, i irau kat pa tapiri, ngar, ve gabua popoia maata maata. Yau naghasoni naghe igham Avuvu Patabuyaanj ileep

* **3:10:** Ro 11:33; 1Pe 1:12 * **3:12:** Yo 14:6; Ro 5:2; Ep 2:18; Hib 10:19 * **3:13:** Pil 1:12+; Kol 1:24

tunja ila lolomim, ve ipariaan gham pa tauu tapiri, lesa ayooz ariaan. *

¹⁷ Ve naghe i igham gham aghur ila to Krisi kat, ve Krisi ileep tunja ila lolomim. Ve akis ngar to loloon pa Maaron ve tamtamon ariaan imin ai waria ikor taan, ve ayooz ila ngar tana. *

¹⁸ Ve naghe yamna Maaron tamtamon tooni patabuyaana asov aghilaal ngar to Krisi tau i loolo ighen toit kat. Ngar tooni tawe, ene tiina le tiina kat. Pale taghuru izaa to saa? Pasaa, ila le ila malau kat, ve izala le izala saana kat, ve izila le izila kat. *

¹⁹ Naghe Maaron igham gham aghilaal katin ngar to Krisi tau loolo ighengheen toit ne. Eemon aat arao mako. Pasaa, ngar tooni tana iliiv iit tamtamon ngar toit. Isaav ighe Maaron igham gabua naol tana ivot payam, ene aat ipavon gham pa tapiri ve ngar tooni popoia naol isov. *

²⁰ Maaron tapiri tau aazne ighamgham uraat ila loloon ne, ene tiina le tiina kat. Tauvene saa gabua tau ighe taghason pani, ma mataan ingali, ene i irau igham pait. Ve tane mon mako. Gabua katini tau iit tagham ngar pazi mako na, i irau igham zi paam. Pasaa, gabua eta ikeeka mako.

²¹ Tauvene iit tau tapaak ila to Krisi ve taleep ila lupuun tooni ne, aat tapait Maaron eeza pa tapiri ve poia tooni irau saawe. Ta aazne, ve taghon taghon gha ila. Onoon.

* **3:16:** 1Kor 16:13; Ep 6:10; Kol 1:11 * **3:17:** Yo 14:23; Kol 1:23, 2:7 * **3:18:** Mbo 103:11; Kol 2:2+ * **3:19:** Kol 2:10

4

Gabua siriv tau ilup Krisi tamtamon tooni timin eemon

¹ Yau naleep ila ruum to yavyavuun loolo pasaa, namin Tiina toit Yesu le, ve naghamsgham uraat tooni. Yau naghe napalot gham tauvene: Maaron igham poghani gham, ve ipoi gham gha amin i le wa. Tauvene laghoon tsiam, yam aat ataghon ngar poia tau iduduun pa poin tooni tawe. Yam aat ataghon ngar tauvene: *

² Apait taumim ezamim sov. Saawe isov, yam aat atatan ezamim izila kat, ve ataghon ngar marowa. Ve isaav ighe tamtamon tigham saghatin gham, yam ayatu sov. Abaado mon, ve aghur lolomim pazi, ve agham poghani zi. *

³ Iit tamtamon to Krisi, Maaron Avuvu ilup ghiit tamin eemon wa. Tauvene yam aat ataghon ngar luuma. Pa ngar tana, ta ikis lupuun to Krisi, lesa tavalagh ghiit sov, ve taleep poi. *

⁴⁻⁶ Aghita. Lupuun eemon to Krisi ta ighengheen. Ene iit tamtamon tooni tau tamin Krisi anooja. Ve Maaron Avuvu eemon ta ilepleep. Ve saawe tau Maaron ipoi gham amin le, i ipoi gham to aghur matamim pa gabua eemon. * Ve Tiina toit eemon, ghuruun ila toit eemon, ghamuun yaa toit eemon, ve Tamaan eemon. Ene Maaron. Gabua naol isov tileep ila i saamba, ve i

* **4:1:** Ep 3:1; Pil 1:27; 1Tes 2:12 * **4:2:** Ga 5:22+; Kol 3:12+; 1Tes 5:14 * **4:3:** Kol 3:14+ * **4:4-6:** Iit Kristen taghurghur mataan pa saawe to itinja Krisi tavalupu ghiit izi nugh sambam, ve taleep ila yesuru Taama Maaron mbonarizi.

igham uraat ila gabua naol isov sosozi, ve ileep ila loloz. *

Maaron ighur uraat maata maata irau iit enaena

⁷ Krisi igham poghani ghiit, ve irei tapiri tiina ve ngar popoia maata maata irau iit enaena. *

⁸ Saveena igheen pataghaan wa. Ighe:

“I iparav le iliiv koina. Ve saawe tau izala saana, igherev eval tiina tau i iyau zi timin le na gha yesna tila, ve irei gabua popoia pa tamtamon.” *

⁹ Saveen tau ighe i izala saana na, puughu tauvene: I izala mon mako. Papazoge i izilam taan, ve imaat gha izila kat mateegha nugh toozi. Ve iburig muul, tauta izala. *

¹⁰ Tauvene neer tau izilam taan, tauta imuul izala pa sambam tau igheen saana le saana kat we. Leso ileep irau nugh ta naol ne, ve inginiir gabua naol isov. *

¹¹ Krisi ighur uraat maata maata ila nimaan, lesa tapalot lupuan tooni. Tamtamon siriv timin mbanona tooni, siriv timin propet, ve siriv tivovotia vaaru poia pa yes tau tighur ila mako na. Ve siriv lezi uraat to nginiin lupuan to Krisi, ve tipaghazonai tamtamon pa Maaron aliina. *

¹² Krisi ighur uraat tauvene ila nimaan, lesa tapalot Maaron tamtamon tooni, ve anazi tibees poi pa Maaron ve tamtamon paam, ve tigham

* **4:4-6:** Ro 11:36, 12:5; 1Kor 8:6, 12:13; Kol 1:5 * **4:7:** Ro 12:6;
 1Kor 12:4+ * **4:8:** Mbo 68:18; Kol 2:15 * **4:9:** Yo 3:13 * **4:10:**
 Mban 1:9; Ep 1:20+; Hib 4:14 * **4:11:** Ro 12:6+; 1Kor 12:27+

uratoi lupuun̄ to Krisi le ivot kat itaghon ngar tooni.

¹³ Iit aat taghamgham tauvene, le iit tasov ghuruun̄ ila toit raraate ve tawatagh katin Maaron Naatu. Leso lupuun̄ toit eemon, ve ngar toit imatuugh, ve tataghon suvinia ngar to Yesu Krisi. *

¹⁴ Tauvene iit tataghon ngar imin yes geegeu muul sov. Pa geegeu tikis Maaron aliinja tunja mako. Yes timin waan̄ tau yaghur ve dibom ivatokini ilala ilamlam. Isaav ighe zeran tau tirau kat pa ghamuun̄ karom na, tilam ve tiwat zi, ene pale rekia mon ve tighur ila karom toozi, ve tipul eez to Maaron. *

¹⁵⁻¹⁶ Eemon iit tagham tauvene sov. Iit aat loloon pa tamtamon ve tagham poghani zi, ve tasavia saveen̄ onoon mon pazi. Ve tazuari ghiit le tataghon dudun̄ai ngar isov to Krisi, ve tapaak ila tooni tunja. Pasaa, i ta imin daaba pait, ve iit tau taleep ila lupuun̄ tooni ne, tamin i anoon̄a siriv siriv. I ilup ghiit tamin eemon, ve ikis ghiit tunja, lesa tagham uraat toit toit. Ve uraata tooni timin sen̄gaan̄a, ve tikor anoon̄a siriv siriv tawe, ve tikis zi timin eemon, ve tipapalot zi. Isaav ighe loloon pa tauun, ve iit en̄aen̄a tagham dudun̄ai uraat toit toit, ene aat lupuun̄ to Krisi ivot imin tiina, ve iyaryaan̄. *

Tataghon ngar paaghu to Krisi

¹⁷⁻¹⁸ Tauvene yau nasaav ariaan̄ payam ila Maaron eeza: Yes tau tiwatagh Maaron mako na, yam ataghon ngar toozi muul sov. Pa ngar toozi le

* **4:13:** 2Kor 3:18; Kol 1:28, 2:2 * **4:14:** 1Kor 14:20; Yems 1:6

* **4:15-16:** Ep 1:22; Kol 1:18, 2:19

anoonja poia eta mako. Ngar toozi iyaryaan tigde tizoor Maaron aliinja ve titaghon ngar to ndoroom. Tauta ikau ngar toozi le tileep soghan pa lepoogh poia tau iit taghamu ila to Maaron ne. *

¹⁹ Matazi saghati kat. Ve mayazi rigta mako. Tila pa naghozi mon. Saa ngar to uliin tau matazi injgali, ene tighamu mon. Tauta tighamgham ngar sasaghati naol tau ingalaan ila Maaron maata mako. *

²⁰ Laak, saawe tau yam aghur ila to Krisi, ve tipaghazonjai gham pa eez tooni, tisaav payam to ataghon ngar tauvene? Mako kat!

²¹ Yau nawatagh: Yam aloon Yesu vaaru, ve tipaghazonjai gham pa saveen onoon tau igheen tooni na le aghazonn pani.

²² Yes tisaav payam tauvene: Muun, lolomim ipapazaagh gham pa ngar sasaghati naol tau le anoonja mako. Eemon aazne, yam aat apul murimim pa ngar munjaana tana imin nonoghiiija tau aghita isaghat ve asiki ilale. Ataghoni muul sov. Pa ngar tauvene, pale ivaghamun gham. *

²³ Ve tisaav payam tigde yam aat apul Maaron itoor ngar tsiam tomania lolomim imin paaghu. *

²⁴ Maaron ighe igham ngar tsiam imin paaghu kat, leso ataghon saveen onoon, ve ngar tsiam iduduun ve patabuyaan imin i tauu. Tauvene yam aat agham ngar paaghu ila tooni, imin tamtamon tau iyol ghi pa nonoghiiija paaghu. *

* **4:17-18:** Ro 1:21; Ep 2:12; 1Pe 4:3 * **4:19:** Ro 1:24; Kol 3:5; 1Tes

4:5 * **4:22:** Kol 3:7+; Hib 12:1; 1Pe 2:1 * **4:23:** Yo 3:3; Ro 12:2

* **4:24:** Ro 6:4; 2Kor 5:17; Kol 3:10

²⁵ Tauvene, yam asov apul ngar to ghamuun karom ileple, ve asavia saveen onoon mon pa taumim. Pa iit tamin Krisi anoonja siriv siriv, ve i ilup ghiit tamin eemon wa. *

²⁶ Isaav ighe atemim yavyav, na ayamaan gham. Pale agham sosor. Tauvene agharaat lolomim pataghaan le isov, o aaz izila. *

²⁷ Aghur sooso pa Neer Saghati sov. *

²⁸ Ve yes umbuunja tium irao. Yes aat tiburig, ve tigham uraat popoia siriv pa tauzi nimazi. Leso tigham lezi gabua ve tiuul yes mbolaanja. *

²⁹ Ve saveen saghati eta ivot ila avomim sov. Asavia saveen popoia mon tau irau iuul tamtamon, ve ipalot zi pa saa ngar tau timbool pani na. Leso saveen tsiam imin eez pa poia to Maaron iza toozi. *

³⁰ Ve agham Avuvu Patabuyaana to Maaron loolo ipatajana sov. Pa i ta imin ilaal payam ighe yam amin Maaron le wa. Isaav ighe i ileep ila lolomim, na yam awatagh: Saawe tau Krisi imuul ilam, i aat igham mulin gham, ve aleep poi. *

³¹ Tauvene ngar to nujuuaan, ateen yavyav, kisiin aatyavyav toit, kokaan, bobaan soroksorok, ngaliin saveen, ve sikiin saveen veleghiin, tomania ngar sasaghati siriv paam, na igheen ilat tsiam sov. Apuliir zi tisov tileplez.

³² Ve avaghamu poghani gham, lolomim isaghatin zeetminja, ve avagharatoi lolomim ve apul sosor

* **4:25:** Sek 8:16; Kol 3:8+ * **4:26:** Mbo 37:8; Mt 5:22+; Yems 1:19+

* **4:27:** Ep 6:11; Yems 4:7; 1Pe 5:9 * **4:28:** Igham 20:15; 1Tes

4:11+; 2Tes 3:8+ * **4:29:** Ep 5:4; Kol 3:8, 4:6 * **4:30:** 2Kor 1:22;

Ep 1:13+; 1Tes 5:19

to zeetmimᵒa, imin Maaron ireu sosor tsiam ila uraat to Yesu Krisi. *

5

¹⁻² Maaron loolo igheen tsiam kat, ve igham gham amin i tauu natᵒa. Tauvene laghoonᵒ tsiam, yam aat ataghon ᵒgar tooni, ve lolomim pa tamtamon tisov ve agham poghani zi, imin Krisi loolo pait ve ipul tauu gha imaat pait. ᵒgar tau i ighamu na, ene igham Maaron loolo poia imin watoonᵒrau tau vaazi poia kat. *

Talep soghan pa ᵒgar sasaghati

³ ᵒgar to ghuruunᵒ boog, ᵒgar to mataan saghati imin ᵒgavuun, ve ᵒgar to mataan gabua, yam aleep soghan pani. ᵒgar tauvene ivot ila sosomim sov, ve asavia rigta sov. Pa yam amin Maaron tamtamon tooni patabuyaana wa. Isaav ighe agham ᵒgar tauvene, ene iduduunᵒ mako. *

⁴ Ve saveenᵒ saghati eta ivot ila avomim sov. Tauvene asavia saveenᵒ malwaata sov, ayau avomim pa saveenᵒ soroksorok sov, ve asavia saveenᵒ saghati imin mogheraanᵒ sov. Pa ᵒgar tauvene, ene iduduunᵒ mako. Yam irau apait Maaron pa poia tooni toman lolomim poia. *

⁵ Ve aloonᵒ. Isaav ighe tamtamon eta ighurghur boog, ma maata saghati imin ᵒgavuun, ma maata gabua, ene i ileep ilonᵒ ila pooz to Krisi mako, ve eeza pa ghamuunᵒ lepoogh poia izi Maaron nugh

* **4:32:** Mt 6:14; Kol 3:13 * **5:1-2:** Mt 5:48; Yo 13:34; 1Pe 1:15+;
 1Yo 3:16 * **5:3:** 1Kor 6:18+; Ga 5:19; Kol 3:5; 1Tes 4:3 * **5:4:** Ep 4:29

tooni mako. Pasaa, ngar tauvene, ene imin tabees pa maaron karom. *

⁶ Tauvene matamim imomoos poi pa taumim. Mako pale tamtamon titombaan gham pa saveen toozi soroksorok, ve tigherev gham pa ghamuun ngar sasaghati naol tau yau nasavi zi ne. Ve yam awatagh: Yes tau tizoroor Maaron, ve tinoknok ghamuun ngar tauvene, ene pale aatyavyav to Maaron iza toozi. *

⁷ Tauvene yam apaak zi pa ngar toozi tawe sov. Aleep soghan pazi.

Tataghon ngar to ghazoonja

⁸ Muun, yam ataghon ngar to ndoroom. Eemon aazne, yam apaak Tiina toit Yesu, ve ghazoonja tooni isul gham. Tauvene laghoon tsiam, yam aat ataghon ngar to ghazoonja.

⁹ Ghazoonja to Krisi, anoonja tauvene: ngar popoia maata maata, tomania ngar duduunja, ve saveen onoon. *

¹⁰ Ve azuari gham to aghilaal ngar tau igham Maaron loolo poia. *

¹¹⁻¹² Ngar to ndoroom, le anoonja poia eta mako. Tauvene yam aleep soghan pani. Ve yes tau titaghon ngar tauvene na, avotia sosor toozi, leso tighilaalo, ve tipuli. Pa ngar tau tighamghamu imin ngozaan na, ene saghati kat. Ighe tasavia, ene pale mayaan. *

* **5:5:** 1Kor 6:9; Syg 21:8 * **5:6:** Ro 1:18; Kol 3:6 * **5:9:** Ro 13:12;
 1Yo 1:7, 2:9+ * **5:10:** Ro 12:2 * **5:11-12:** Mt 18:15; 1Kor 5:9+;
 2Kor 6:14

13 Eemon ghazonja to Krisi ipaghazonjai gabua naol isov tivot tighazonj. *

14 Ve ghazonja tooni isul zi, ve itoor zi. Leso anazi titotoi ghazonja tooni. Puughu tane ta tisavsaav tigde:

“Yo tau ugheen na, uburig pa mateegh. Leso ghazonja to Krisi isul ghom.” *

Ngar to yes tau titaghon pooz to Avuvu Patabuyaaj

15 Tauvene matamim pa laghoonj tsiam poi. Yes tau tikankaan pa Maaron ngar tooni na, yam ataghon zi sov. Yam aat aleep imin yes tau tighazonj pa Maaron ngar tooni.

16 Isaav ighe yam irau agham ngar poia, na aghamu pataghaan. Pa aazne, taleep ila saawe saghati. Tauvene takankaan pa murei. Pale irau aghamu, ma mako?

17 Tauvene agham ngar to yes kankanooja sov. Azuari gham le aghazonj pa ngar tau Maaron loolo pani na. *

18 Ve aghun yaa ariaanja le avaghamgham sov. Pale agham ngar naol tau ivaghamunia taumim. Yam aat apul Avuvu Patabuyaaj ipavon gham pa ngar tooni ve tapiri, ve igham pooz payam irau saawe. *

19 Saawe tau alup gham, asavia mbounj to yes Israela, ve ambou mbounj to sunjuunj tomania mbounj siriv tau Maaron Avuvu igham payam na paam. Leso apait Maaron eeza, ve apariaan

* 5:13: Yo 3:20+ * 5:14: Ro 13:11 * 5:17: Ro 12:2 * 5:18: Lu 21:34; Ro 13:13

taumim paam. Yam aat ambou toman lolomim ve apait Tiina toit Yesu. *

²⁰ Ve saa gabua tau ighe ivot payam, poia ma patañani, na lolomim poia pa Tamaan Maaron, ve apaiti ila Tiina toit Yesu Krisi eeza irau saawe. *

²¹ Yam aroron pa Tiina toit Yesu Krisi, ve aghe ataghon ngar tooni. Tauvene atatan taumim ve aleep ila zeetmimña sambazi. *

Saveeñ tau injarui yes vaivaiña

²² Tauvene yam zilivaa, aleep ila azuwamimña sambazi ve ataghon ngar toozi, raraate imin aleep ila Krisi saamba ve ataghon ngar tooni. *

²³ Pa azuwamimña zitamoot, yes timin daaba payam, ve tigham pooz payam, raraate imin Krisi imin daaba pa lupuuñ tooni, ve ighamgham pooz pazi. Lupuuñ tooni, ene imin i tauu anoña. Ve i ipul tauu gha imaat pazi, tauta igham mulin zi gha tileep poi. *

²⁴ Tauvene yam zilivaa aleep ila azuwamimña sambazi, ve ataghon ngar toozi pa gabua naol isov, raraate imin lupuuñ to Krisi tileep ila i saamba, ve titaghon ngar tooni.

²⁵ Ve yam zitamoot, lolomim igheen to azuwamimña kat ve agham poghani zi, raraate imin Krisi loolo igheen to iit tau taleep ila lupuuñ tooni ne, ve ipul tauu gha imaat pait,

* **5:19:** Kol 3:16 * **5:20:** Kol 3:17; 1Tes 5:18; Hib 13:15 * **5:21:** 1Pe 5:5 * **5:22:** Gnp 3:16; Kol 3:18; 1Pe 3:1+ * **5:23:** 1Kor 11:3; Ep 1:22+; Kol 1:18

26 leso igham ghiit tamin Maaron tamtamon tooni patabuyaana. Ve irughuuz ghiit pa yaa tomania saveen tooni, tauta tangalaan ila Maaron maata wa. *

27 Pasaa, i ighe lupuun tooni ivot kat [imin livaa tau ighe ivai ve igharaat ghi le paghuuna kat]. Leso saawe to Mbon Murei, i igham iit tau taleep ila lupuun tooni ne, ve itina tavalupu ghiit tamin eemon, ve iit popoiaan ila i maata. Leen sosor eta mako, ve ngar saghati eta igheen toit muul mako, ve tataghon ngar patabuyaana mon. *

28 Tauvene yam zitamoot aat ataghon Kriisi ngar tooni tawe paam, ve lolomim pa azuwamimna ve agham poghani zi, imin lolomim pa taumim anonamim. Pa neer tau ighe loolo pa azaawa ve igham poghania, ene i loolo pa tauu ve iuul tauu paam.

29 Aghita. Tamtamon eta ighur koi pa tauu anoonja mako. Iit tasov mataan pa tauun anoonjaan ve tanjini poi. Kriisi itaghon ngar raraate mon pa iit tamtamon tau taleep ila lupuun tooni ne.

30 Pasaa, iit tamin i tauu anoonja siriv siriv. *

31 Saveen to Maaron igheen pataghaan tauvene:
 “Puughu tane ta tamoot eta ighe ivai, i aat ipul taama ma tiina, ve yesuru azaawa tivalupu zi timin eemon.” *

32 Saveen tane, ngara tiina, ve puughu yongaanja igheen ila. Ene nasavia vain ngara siriv tau inarui Kriisi ve lupuun tooni. *

* 5:26: Yo 15:3; Ga 1:4; Kol 3:19; 1Pe 3:7 * 5:27: 2Kor 11:2; Kol 1:22; Tit 3:5; Hib 10:22 * 5:30: Ro 12:5; 1Kor 12:27 * 5:31: Gnp 2:24; Mt 19:5 * 5:32: Syg 19:7

33 Eemon saveeņ tane iņarui ghiit paam. Tauvene yam zitamoot asov lolomim igheen to azuwamimņa ve agham poghani zi, imin lolomim pa taumim. Ve yam zilivaa atandagh pa azuwamimņa, ve apakur zi.

6

Saveeņ iņarui yes geegeu tomania tamazņa ve tinazņa

¹ Yam geegeu amin Tiina toit le wa. Tauvene alooņ tamamimņa ve tinamimņa aliņazi. Pasaa, ņgar tane, ene iduduņ ila i maata. *

²⁻³ Alooņ Maaron aliņa tane:

“Matam loņloņai pa tamam gha tinam, ve utandagh pazi.” *

Tutuņ tane, ene tutuņ imin maata tau saveeņ mbuaaņ igheen ila. Saveeņ tauvene:

“Leso uleep poi, ve uleep malau izi taan.”

⁴ Ve yam tamazņa, avaghamunia natumimņa lolozi sov. Pale agham zi atezi yavyav sorok. Yam aat aņgin zi poi, ve apaduduņ zi toman saveeņ marowa itaghon eez to Tiina toit. *

Saveeņ iņarui yes besooņa sorok ve daaba toozi

⁵ Yam besooņa sorok, alooņ daaba tsiam aliņazi ve atandagh pazi, ve abees pazi poi toman lolomim, raraate imin abesbees pa Krisi. *

⁶ Agham karom pa uraat sov. Besooņa siriv, isaav ighe daaba toozi tileep tomani zi ve tighit zi pa uraat toozi, ene pale tigham katin uraat, leso

* **6:1:** Kol 3:20+ * **6:2-3:** Igham 20:12; Mt 15:4 * **6:4:** Lo 6:7;
Lp 22:6 * **6:5:** Kol 3:22; 1Tim 6:1; Tit 2:9+; 1Pe 2:18

tigham zi lolozi poia. Ve saawe tau daaba toozi tipul zi ve tila, mako tigham poghania uraat mako. Yam agham tauvene sov. Pa yam besooņa to Krisi. Tauvene yam aat agham uraat tsiam toman lolomim. Leso ataghon Maaron ngar tooni.

⁷ Tauvene tinimim ibees pa uraat tsiam. Pa uraat tau aghamghamu na, yam agham pa tamtamon mon mako. Yam agham pa Tiina toit Yesu paam.

⁸ Ve yam awatagh: Saa uraat poia tau ighe iit taghamu, ene aat Maaron igham leen atuya poia itaghon uraat to iit enjaeņa. I pale igham tauvene pa tamtamon tisov. Yes besooņa sorok, ve yes tau besooņa mako ve tinjin tauzi na paam. *

⁹ Ve yam daaba paam, atotoi ngar to Krisi pa besooņa tsiam. Aparoi zi sorok sov. Pa yam awatagh: Yamņa besooņa tsiam lemim daaba eemon. I Tiina tsiam tau ileep izi sambam. Ve i igham ngar pa tamtamon ezazi mako, ve ivool to tamtamon eta mako. I itaghon ngar eemon pa tamtamon tisov. *

Gabua to malmal tau Maaron igham pait

¹⁰ Yau naghe naparwai saveeņ tsiau tane, ve isov. Yam aat agham tapirimim ila to Tiina toit. Pasaa, i saksaki, ve tapiri tiina kat. *

¹¹ Ve yam aat agharaat gham pa gabua isov to malmal tau Maaron igham pait. Leso saawe tau ighe Neer Saghati iwat gham ma itombaan gham na, yam aat ayooz tunja. *

¹² Pa yam awatagh. Itiņa tamtamon to taan taparav mako. Aazne, gabua sasaghati naol tau

* **6:8:** Mt 25:34+; 2Kor 5:10 * **6:9:** Ro 2:11; Kol 4:1 * **6:10:** 1Kor 16:13; 2Tim 2:1 * **6:11:** Ro 13:12+; 2Kor 10:4

tapirizi ve ezazi tintiina na timin koiaanna ve tapaparav tomani zi. Gabua tawe tileep ila niazi ta saana we, ve tighamgham pooz toman tapirizi, leso tipalot ngar to ndoroom izi taan. *

¹³ Tauvene yam aat agharaat gham, ve aghur gabua isov to malmal tau Maaron igham pait. Leso saawe tau ighe tovaan saghati ivot payam, na yam ayooz tunja, ve aparav ariaan le aliiv tovaan tana. Eez to ayooz tunja, ene vene: *

¹⁴ Yam aat akis saveen onoon, ve ataghoni toman lolomim. Pa ene imin puus to ikis nonoghiina tsiam. *

Ve yam aat ataghon ngar duduuna. Pa ene imin gabua ariaana to ipoon gargarimim pa zaab. *

¹⁵ Ve vaaru poia tau isavia eez to itina Maaron ve tamtamon tavalupu ghiit tamin eemon na, yam aat agharaat gham pa votiaan ni irau saawe. Pa ngar tauvene pale ipalot gham imin azuz zuzuuna to aghemim ve alaagh. *

¹⁶ Tauvene yam ataghon ngar isov tana, ve akis ghuruun ila tsiam ariaan. Pa ghuruun ila tsiam, ene imin sigheu to ipoon gham pa paneegh natna tisov to Neer Saghati tau yav ighanghan ila matazi na.

¹⁷ Ve uraat to Yesu Krisi tau igham mulin ghiit na, aghamu imin lemim. Pa ene imin hat ariaana to ipoon dabamim pa zaab. Ve saveen to Maaron tau Avuvu Patabuyaana igham pait na, yam akisi imin

* **6:12:** Ep 2:2; 1Pe 5:8+ * **6:13:** 2Kor 6:7, 10:4 * **6:14:** Saawe tau yes zaaba to Rom tila pa malmal, tiput nonoghiina toozi izaa, ve tipoosi pa puus. Leso tilaan kat. * **6:14:** 1Tes 5:8 * **6:15:** Is 52:7; Ro 10:15

lemim mbuzaagh. *

¹⁸ Ve asuñ itaghon pooz to Avuvu Patabuyaañ irau saawe. Aghason Maaron to iuul gham pa gabua ta naol ne. Ve tinimim imum pa suñuuñ sov. Ama-maat ariaañ, ve aghur Maaron tamtamon tooni patabuyaaña tISOV tIla suñuuñ tsiam. *

¹⁹ Ve aghur ghau ila suñuuñ tsiam paam. Asuñ Maaron to ipalot ghau ve igham pooz pa saveeñ tsiau. Leso saawe tau navotia mos tooni pa tamtamon, naroi sov, ve napaghazonai zi kat pa vaaru poia tau muuñ iyoon ve aazne ivot ighazon wa. *

²⁰ Yau naghham Tiina toit aavo, ve navovotia saveeñ tooni pa tamtamon. Tauta tighur ghau naleep ila ruum to yavyavuuñ loolo, ve tikau ghau pa sen. Tauvene yam lolomim iveegh payau sov. Aghur ghau ila suñuuñ tsiam. Leso naroi sov, ve nayooz ariaañ, ve navotia dudunai vaaru poia itaghon Maaron ngar tooni. *

Paulus ipasov saveeñ tooni

²¹⁻²² Tonvetaz toit Tikikus, i besoonja poia ee to Tiina toit Yesu Krisi, ve lolog ighen tooni kat. Yau nambaano ilat, lesO ipaes payam poi pa leppoghamai ve uraat tsiei, ve ipalot gham pa saveeñ siriv paam. *

²³ Yam tonvetaz, Tamaan Maaron yesuru Tiina toit Yesu Krisi aat tinjin gham asov aleep poi, ve luuma toozi iza a tsiam. Ve tipalot gham, lesO

* **6:17:** 1Tes 5:8; Hib 4:12; Syg 19:15 * **6:18:** Lu 18:1; Kol 4:2; 1Tes 5:17 * **6:19:** Ro 15:30+; Kol 4:3; 2Tes 3:1 * **6:20:** Mbanj 28:20; 2Kor 5:20 * **6:21-22:** Mbanj 20:4; Kol 4:7+

lolomim pa tamtamon ve agham poghani zi, ve aghur ila ariaaᅇ.

²⁴Ve tamtamon tisov tau lolozisaghav Tiina toit Yesu Krisi ariaaᅇ na, poia tooni iza toozi taghon taghon gha ila. Onoon.

**Maaron Saveen Tooni Patabuyaang
The New Testament and portions of the Old Testament
in the Tuam dialect of the Saveeng language of Papua
New Guinea. The Saveeng language is also called the
Mutu language.
Sampela hap Buk Baibel long tokples Saveeng Tuam
long Niugini.**

copyright © 2011 Wycliffe Bible Translators, Inc.

Language: Saveeng (Mutu)

Dialect: Tuam

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

PDF generated using Haiola and XeLaTeX on 18 Apr 2025 from source files dated 31 Aug 2023

adb844f0-d769-5b05-9dd0-7c01fca938bb